

guery. Nous verrons dans le ciel les secrets, mais toujours adorables iugemens de Dieu là deffus. Cependant c'est vn de nos estonnemens des plus ordinaires, & vn de nos plaifirs des plus folides, de confiderer parmy tout cela les amables bontez de Dieu sur ceux qu'il veut à foy, & de voir plus que tous les iours ses fainctes & efficaces prouidences, qui vont difpenfant tellement les affaires, qu'il se trouue que pas vn des esleus ne se perd, quoy que l'enfer & la terre s'y oppose. Nous le verrons dans la fuite de cette Relation. Seulement diray-je en passant pour ce qui touche les petits enfans qui estoient en danger de mort, & qui n'estoient aucunement coupables du refus que fouuent leurs parens nous faisoient de les approcher, qu'à peine en est-il mort vne douzaine qui n'ait receu son passe-port pour aller au ciel, durant le temps que nous auons eu libre accez dans les bourgs. Le zele & la charité de nos ouuriers euan-geliques ayant esté plus industrieuse & plus actiue à leur procurer ce bon-heur, que la rage & la haine du diable à les empescher.

[15] Les raifons que iusques icy nous auons apporté pourquoy les barbares nous soupçonnet d'estre la caufe de leurs maladies, semblent auoir quelque fondemēt: mais le diable n'en demeura pas là; ce seroit vn miracle s'il ne bastiffoit le plus fort de ces calomnies sur de purs menfonges.

Robert le Coq, vn de nos domestiques estoit retourné de Kébec dans vn estat de maladie qui donnoit autāt d'horreur que de compaffion à tous ceux qui auoient assez de courage pour confiderer les vlceres dont tous ses membres estoient couuerts: Iamais Huron n'eust creu qu'un corps si remply de miserables eust